

21 di otubru di 2020

Prezada Komunitadi di Skolas Publikas di Boston:

Es palmanhã, Comissão di Saúde Publika di Boston (BPHC, pa ses siglas na inglês) divulga dados ki ta mostra ma taxa di 7 dias di testes puzitivos di COVID-19 di sidadi intero aumenta pa 5,7%. Ke li é un aumento di 4,5% di semana pasadu i di 4,1% di dós semanas antes.

Dados atuais sta mostra un tendensia alarmanti na aumento di atividadis di COVID-19 na Sidadi di Boston, i pa prekausão, mi ku prefeito Walsh nu disidi suspendi aprendizagen prizensial pa tudu alunos. **Efetivu manhã, kinta-fera 22 di otubru, tudu alunos di BPS ta volta pa aprendizagen à distancia ti ki dados di saúde publika komesa ta mostra un diminuição di kasus di testes puzitivos di COVID-19.**

Inda nu sta konprometidu na furnesi oportunidadis pa aprendizagen prizensial pa tudu nos alunos logo ki é pusivel faze ke la, i nu ta kontinua ta prioriza nos alunos más nesisitados pa aprendizagen prizensial. Oras ki taxa di 7 dias di kasus puzitivos di COVID-19 na sidadi intero sta menos di 5% pa dós semana konsekutivos, nu ta komesa ta traze nos alunos más nesisitados di volta pa skola pa aprendizagen prizensial. Oras ki taxa di 7 dias di kasus puzitivos di COVID-19 na sidadi intero sta menos di 4% pa dós semanas konsekutivos, nu ta torna komensa traze alunos en fases pa aprendizagen prizensial komensadu ku nos alunos más novus.

Semana pasadu, alguns famílias resebi komunikasão di nos parte ta avisa-s data ki ses fidju ta komesa aprendizagen prizensial. Infelizmenti kel informason ki nu manda nhos dja muda ku es notisia li. **Tudu alunos di BPS ta komesa aprendizagen à distancia efektivu kinta-fera 22 di otubru.** Nu ta atualiza nhos sobre nos planos enkuantu el ta baí ta dizenvolvi. Alen disu, skolas ta trabadja ku famílias ki mesti di teknulujia ô ki mesti buska otus itens pesoal ki alunos talvez dexa na skola. Nu sta ta splora opsões pa furnesi servisus pa nos alunos ki ten difisiênsias complexas i nu ta atualiza famílias en brevi.

Sidadi di Boston aumenta ses esforsus na faza testes i na alkansa bairros ki foi más afetadu pa pandemia. Más informasão sobre COVID-19, inkluidu lugares pa faze tests i rekursus komunitários, sta dispunivel na boston.gov/coronavirus. Pa más informasão sobre aprendizagen à distancia, rekursus di teknulujia i lugares pa buska alimentos di grasa, konsulta bostonpublicschools.org/reopening.

N'ta intendi ki es tenpus ki nu sta vivi na el é insertu. N'ta agradezi nhos pa nhos pasiensia, flexibilidadadi i kolaborason enkuantu ki nos tudu sta trabadja pa furnesi speriensias di aprendizagen enriquesedoras pa nos alunos durante es tenpus difisil li. Nhos fika siguru i nhos toma konta di nhos saúde.

Nha midjores votos,



Dr. Brenda Cassellius
Superintendente